

जुरा :— एला तोवे, हनैः एनकारेओ चिलकाते अले दो एनाकी
जेता जेता काले नमजोम दङ्गितना ?

दनड्हरेअः सङ्डा :— हेगे, दुलङ्ग होनकोतइङ्ग, पुरआःगे चिलकान गेइङ्ग
लेलजद्धपेअ । अपे सनमठ रे जोमेअः होपोरअकन हरताअकना;
मेनदो अपे ती कटा जिलिङ्गकेअद्, एना तेवअः केअद्, सब् केअद्
मोचारे अजोमेन कापे दङ्गितना अर रेंगे: तेपे गोजोऽतना ।

चाते बिलकानगे काइङ्ग टो'रेअ ?

जड्चि :— अब्बा गा, सिरमा अपु तलेअः ! चिलकाते तोवे ती
जिलिङ्गे चि कटा चंडंडे काले दङ्गितना ?

दनड्हरेअः सङ्डा :— ती कटा को तपे तोलअकनरेअःते ती जिलिङ्गे कटा
चंडंडे कापे दङ्गितना । अपे दो होड्गो होनको तइङ्ग पुरआः उतर
तोनोल रेपेअ ।

जिमरि :— मेनदो गा अब्बा सिरमा अपु अले दो होनड स्वराज्य
देरड ले नमकेदा । अलेअः दिसुम दो तोनोलआते रङ्गाजना । अले दो
नाअःदो का देरड होनडले तोलअकना । चिलकाते अपे दोपे तोलअकनाम
मेतालेतना ? कोरे: ले तोलअकना ?

दनड्हरेअः सङ्डा :— हे, एना गे चा कापे लेलउरुमेनतना । अपे चिलकापे
तोलअकना एना कापे लेलनम दङ्गितना । अपेअः मेद्गो रटि तोल
डेंडे जलाजना ।

सोवेनको :— मर गा अब्बा, सिरमा सिङ्ग गो'सिङ्ग अपु तलेअः, अमगे
मर उदुव्वअलेम । अले गरि गोवरिजद्गमेअ, मर कजिअलेम चिलकाले
तोलअकना । अमगे जलाअकन मेद् को तलेअः ओटागालेम,
निःअलेम ।

दनड्हरेअः सङ्डा :— दुलङ्ग होनको तइङ्ग अपे दो सरतिगे लेलजद्ग
लेलजद्गआतेओ कापे लेल उरुमेनतना । मेद् मेनअःआतेओपे
जलाअकना ।

सोबेनको मोसाते :— हे गा, सिरमा अच्चा, अले काले सरितनअः, चिनअःले नमतना एनागे काले टो'रजद्वः को, अले चिनअःतेले जंजितना, एनाको अमगे जगरअलेम। अमगे अलेतअःअम हिजुःअ कनते दे नेअको उदुव्बअलेम। अमगेले गरि गोवरिजद्वमेआ अम एसेकरगेले बोरसामतना।

दनहुरेअः सङ्घा :— हे मर तोबे, मर अयुमेपे :—

अपे दो होनड अइडगे देरड सिरजबतद उपनतदपेआ। अइडगे अपेइड होरो हराजदपेआ। बुगिलेका अतिडपे, गुसमपे, जोमेपे नूएपे, रसिकाते तइनपे मेनते होनड अइड अपे अइडः दुलड होनको तइड, ने होडो दिसुमरेइड वेरेलतदपेआ। पुरअः पुरअः बुगिनअः को अपेअः होडो दिसुम रे अपे नतिन ओते चेतनरे ओडोः ओते बितर रेइड ओम पेरेतदा। सोबेनसअः पिडि कुटुँडि बिर बुरु गडा दरु सिड सुबा, सुगड़आते सुगड़ दिसुम अपे नतिन सिरजबकेअद अपेइड ओमअकदपेआ। नेका नेका सुकुते रसिकाते दुपुलडते तइनपे मेनते अपेअः हडम होडोको होरातेइड इतुतदपेआ।

मेनदो मर लेलखेपे, अपे दो इमिनड रेओ रसिकाओः पंउटि दोपे अलय बलयओः तना, पेडेगोः अले मेनदो का, अपे दोपे नरादुरा चबाओःतना, सेंडांओः अले मेनदो का, अपे दोपे बलुबतु चबाओःतना। अपे नेका नेकापे रिकाओः तनअःते अइडओइड दुकुतना।

गंगु :— अइड गयाडि रेन गंगु लेकातेदो, सिडगो सिड अच्चागा, अम अलेम ओमअकदलेअ एनाको रटि काले मुँडिउरुम जोम दडितना। एनाकोओ काले सरि इतु दडितना। अम ओमअकदलेतेअः को मर गा, सिरमा अपु, ओडोःगे उदुव्बअलेम। एनाकोओ सोबेनअःले नमजोम दडिका।

दनहुरेअः सङ्घा :— चिमिन चिमिनअः दो सिरमा चेतन कोरे ओते बितर कोरे उकु दनहुरे पेरेअकना। अपेइड ओमअकदपे होडो दिसुम रेदोतपे अपे नतिन हिरा समडोम, रूपा मेँडेँद, कंसा पितल, एमन एमन कोडड संजुपेरेतदा।

होङ्गो होनकोले चिलका बेङ्गाओःतना एन। उडुःगे काले उडः तेवअः दङ्गितना; आंवगे कुमुरे लेकाले तइनतना ओङ्गोःले कमि उदमतना, मेनदो कोतेले सेनोःतना, कोतेले चिलकाओःतना एनाकोदो कुमुरेभो कागेले टो'र उरुमदङ्गितना ।

दनडुरेअः सङ्गः :— हे, एनादो सरतिगे, एनकागेचाइड लेलजदपेअ । जेताओ कापे मुँडि जोमतना; ओङ्गोःपे डलेकले चबाओःतना मेनेलेकागेपे लेलोःतना ।

डोँडो :— अइडन्दो डोँडो को नुतुमअकअःइडा । नुतुमतेओ डोँडो, ओङ्गोः डोँडो तेगेइड हड़मोः लेकाइड अटकरजदा । अले हतु डउडि सअः रेदो, अइड एसेकर दो का, मेनदा हतु पड़ारेन सोबेनकोले डोँडोनोःगे अ । अलेअः ने हगा को कोतेकोतना एना काले इतुअनजनरेभो निकुलोःले सोगेनजना ।

नाअः दो, मेनदो, अम सिरमा अपुअः दुलड़ सङ्गा अयुमेलोःगे जी रे जी ले नमजदा । जीरड़ेःअनगेले अटकरजदा । अमले जोअरअमतना इमिनड़न्गे अलेअः डोँडो सेंडां तेले इतुअना ।

जिरगि :— अइडन्दो ने टोलापडा रेनिःगे । जिरगि को मेताइडा । अले दो ने झउनि ओङ्गोः जिमरि ओङ्गोः जितनि तकोलोः नमिन नमिन होङ्गोको पुतुपुतुतन नेते हिजुःतनले लेलद कोचि, “दोलाबु ना अबुओ” ले मेनकेदा आइ ले हिजुः सोगेनजना । आंव हिजुःगेले हिजुः तना । चिनअः रेअःबु बुरुजदा एना दो ओङ्गोःले टो'रजदरेवि । एना रेअः दो मुँडिगे बनोः ।

दनडुरेअः सङ्गः :— अपे होङ्गो दिसुप होङ्गो होनकोतइड । अपे नेका नेकापे बलय गिडिअकना, एना रबलतेगे लेल उर्मोःतना । अपे नेकापे दंदा पंदा चबाअकन रेअःते अइड अपेअः मरड उतर सिरमा अपु अइड पुरअःगे चिलका जअःइडा ।

अपेपे चिलकाओःतना एना अइडन्गे मर तिसिड अपेइड उदुब् अपे तना । मर बुगिलेका अयुमिडपे ।

जीमुक्ते तदनपे
रसिकारे तदनपे !

सेषेङ्गे दृष्टि विशुद्ध को तिगुकोःते को दुरड्केका :
 जोअर जोअर जोअर, मरड उतर दुलडअन अपुतलेअः,
 जोरोड जोरोड जनव जनव महनोःमे अब्बा अलेअः ।
 दनडरेअः सङ्घाः — अपे, अइडअः दुलडअन होनकोतइड, अपे तिसिड
 नेतअः नेतइरे नभिन नमिन पुरुपुतुतन गोटा होड़ो दिमुम एमन कोआतेपे
 जमानतना, हुडिनतना, नेरेपे बुरजदा; एना लेललेलते, अइडओ रसिकाते
 अपे तलाइड अडगुनतना, अपे जपअःइड हिजुःतना, अपे तअःइड नोसीरेन
 तन न हेःएनतना ।

अपे चिनअःरेअः नेकापे हैंडि जमानतना एना सरिदोइङ्ग सरितना, इतु
दोइङ्ग इतुअनतना; मेनदो इमितरेओ अपे अइङ्गअः होनकोअः उड़ुःरे
चिलकान उड़ुःको मेनअः, चिनअः मेनते नेकापे कुरुमुट्टनतना, चिनअः
मेनते नेकापे अलय बलय चबाओःतना, अपे दंदापंदा चबाओःतना एना
अपे कूलि बइ सनाजअःइङ्गा ।

चित्तः मेनते पे नेकानतना, मर उदुब्‌अइडंपे जगरअइडंपे ।

जेंगा :— अइडंदो जतेरेन जेंगा । मर अइडं जगरजदा ।

मर सिदाते दो इसु पुरअः पुरअः जोअर ।

ਅਮ ਸਿਰਸਾ ਸਿਫ਼ਗੋ 'ਸਿਫ਼ ਅਬਬਾ ਤਲੇਅ:, ਅਮਦੋ ਅਮਤੇਗੇ ਸੋਕੇਨ ਸੋਕੇਨਅ:ਮ
ਇਤੁਅਨਗੇਅ। ਅਲੇਲੇ ਦੰਦਾ ਪੰਦਾ ਚਕਾਅਕਨਤੇਅ: ਸਿਦਾਆਤੇਮ ਇਤੁਅਨਤਨਗੇਅ।

जांन जेतनअःतेदोले जंजितना मेनतेगे नेकाले अकब्बकाव गिड़िअकना,
नेकाले निरवियुरजदा मेनेअःओम टो'रजदूगेअ ।

सरतिगे अले दंडां दोले दंडांतना, असि दोले असितना मेनदो
चिनभाले नमतना एना दो मुँडिगे काले मुँडि दड़ितना । अद्भुतको
लेकाले अटकरबदा आइले बलुचबातना ।

जुरा :— दे अइडओइड जगरलेअ । अइडदो जरड़डी रेन जुरा ।
हे, गे, जां इमिनड उहुः गरड लेकालेरेओ, अले गोटा होड़ो दिसुम रेन

दनहरेः सङ्गः :— (हिचिर ओङोः मरड रिमित सङ्गा अयुमोःका)
 अइड दो
 अइडतेरे मेनअःइड, सिरमा चेतन सिरमा,
 ओते लतर ओते, इकिर बितर इकिर
 सिरमा लिबि लिबि, ओते लेअलइ
 सिरमा सिङगो सिङ !
 लेलोःतेअः, का लेलोःतेअः सोबेन सोबेनअः
 सिरजवतइ उपनतद्विनिः,
 असुलतन हरातननिः अइडगे ।
 बनोः एनेटैः बनोः टुङ्डु
 जोरोड जोरोड मेनअःइड
 अपेअः जुलतन पेडःअन मरडउतर
 सिरमा अपु !

[सोबेन तेपेड़ेइ हषनुमको मोसाते जोअर नतिनको ओमबअः
तडैरेनका । एनते सो'जे इकुडु मेनजनते मोसातेको कजीका—]

सिरमा सिङगो 'सिङ,
 मरड उतर अपु तलेअः
 दुलडुअन बोरोअन अब्बा तलेअः !
 मर ले जोअरअमतना,
 दे ले तिरुब्बअमतना ।
 लिबुइअलेम, बिलकाअलेम, सयदुअलेम,
 गोवरिम तनाले सुसरिमतनाले ।

[सोबेनको तिगुनका]

दनहरेः सङ्गः :— अपे, ए होनकोतइड, रसिका तोरसा पुरआः दुलडते
 अपेअः महन जोअरइड तैलाजदा ।
 मर अपे सोबेनको

होड़ो ससंकिर बमबरु

(मिठु लेपेल रेआः चलिता इनुड़)

[इनुड़ रचा रेआः तलामला देअसआः अतोमरे सोबेन सआःआते लेलोः लेका चेतननोः पिंडिगिरे उपुनसआःआते दनड़अकन मरड़ सिड़दुनुव् लेकानआः तइनका, नेआ तलाआतेगे दनड़ रेआः सड़ा अयुमोःका ।

नेआआते लतरनोः पिंडिगिरे लिजआःकोते दनड़अकन ओड़ोः मियदू ट्यदू तइनका । नेरै बरन तीकिड तोलअकनगे विरसाआः मुहूर्त् लेका समा होड़ोमो, मयडलिजआः अर बेनेदूसम वारिए तइनका अर ए दनड़अकनका ।

गेलबर होड़ सेपेड़ेदू को अर गेलबर होड़ हघनुम को होड़ो ससंक्षिर समषोड़ते समषोड़ोअकनते अःसार अर कषि सव्वअकद्लोः इनुड़ रचारे तरा चंडुः लेका मिद् सा'रिरे लेल तनको सआः समड़ केअदू को तिंगुनका । सोबेन कषि चुटिरे सुनुमते लुमअकन सेरेदू को तोलतका । इनुड़ रचारेआः मरड़ दनड़ लिजआः ओटागोःका । इनुड़ रचारै तिंगुअकन सेपेड़ेदू हपनुमको सोबेन सड़िकोखोःतेको दुरड़ेका] :—

एला हो कोमपाट मुँडा को, एला हो दुब्बनपे,

एला हो होड़े दिसुम मड़ंकि को, एला हो जाहनपे ।

एला हो ने पपड़ा गंडु रे, एला हो दुब्बनपे,

एला हो ने जिमतु पटि रे, एला हो जाहनपे ।

एला हो किलिमिलि हसु दुकु, एला हो जगर कोःपे,

एला हो हटिकुटि रेंगे: रबड़, एला हो बकंडकोःपे ।

एला हो भइगि दोत्रु नपमतन, एला हो दुब्बनपे,

एला हो बुगि दोत्रु जमतन, एला हो जाहनपे ।

होड़ो ससंकिर बमबरु

(मिद लेपेल रेअः चलिता इन्ड)

